




Broj: 05/8-50-14-485-11/16

Sarajevo, 13.7.2016.

PARLAMENTARNA SKUPŠTINA BiH

- **PREDSTAVNIČKOM DOMU**
- **DOMU NARODA**



Na osnovu čl. 13. i 16. Zakona o Agenciji za prevenciju korupcije i koordinaciju borbe protiv korupcije („Službeni glasnik BiH“, br. 103/09 i 58/13), člana 27. Poslovnika Komisije za izbor i praćenje rada Agencije za prevenciju korupcije i koordinaciju borbe protiv korupcije, Komisija za izbor i praćenje rada Agencije za prevenciju korupcije i koordinaciju borbe protiv korupcije na 11. sjednici, održanoj 13. jula 2016. godine, usvojila je, te Predstavničkom domu i Domu naroda Parlamentarne skupštine BiH podnosi sljedeći

IZVJEŠTAJ

**O UTVRĐIVANJU RANG-LISTE KANDIDATA ZA IMENOVANJE DIREKTORA I
DVA ZAMJENIKA DIREKTORA AGENCIJE ZA PREVENCIJU KORUPCIJE I
KOORDINACIJU BORBE PROTIV KORUPCIJE**

I. Donošenje Odluke o raspisivanju Javnog konkursa za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije

Na osnovu člana 13. stav (5) Zakona o Agenciji za prevenciju korupcije i koordinaciju borbe protiv korupcije (u daljnjem tekstu: Zakon) i člana 18. Poslovnika Komisije za izbor i praćenje rada Agencije za prevenciju korupcije i koordinaciju borbe protiv korupcije (u daljnjem tekstu: Poslovnik), Komisija za izbor i praćenje rada Agencije za prevenciju korupcije i koordinaciju borbe protiv korupcije (u daljnjem tekstu: Komisija) na 6. sjednici, održanoj 17. februara 2016., donijela je Odluku o raspisivanju Javnog konkursa za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije (u daljnjem tekstu: Agencija). Komisija je tom prilikom donijela i zaključak da Javni konkurs iz Odluke bude objavljen u "Službenom glasniku BiH", "Službenom glasniku Brčko Distrikta BiH" i na internetskoj stranici Parlamentarne skupštine BiH, a obavještenje o Javnom konkursu u dnevnim listovima: "Večernji List", "Euro Blic" i "Oslobođenje".

II. Raspisivanje Javnog konkursa za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije

Komisija je na 7. sjednici, održanoj 2. marta 2016., usvojila tekst Javnog konkursa za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije (u daljnjem tekstu: Javni konkurs). Na istoj sjednici Komisija je usvojila i tekst obavještenja o Javnom konkursu.

Tekst Javnog konkursa objavljen je u „Službenom glasniku BiH“, broj 16/16, od 8. marta 2016., od kada je počeo teći i rok od 15 dana za dostavljanje potrebne dokumentacije kandidata za direktora i zamjenike direktora Agencije. Zaključni rok za podnošenje prijava na Javni konkurs bio je 24. mart 2016. godine.

Osim u „Službenom glasniku BiH“, tekst Javnog konkursa objavljen je i u „Službenom glasniku Brčko Distrikta“, broj 7/16, od 7. marta 2016., kao i na internetskoj stranici Parlamentarne skupštine BiH – www.parlament.ba/sekretarijat/oglas_i_konkursi.

U skladu sa zaključkom sa 6. sjednice Komisije, obavještenje o Javnom konkursu objavljeno je u dnevnim listovima: "Večernji List", "Euro Blic" i "Oslobođenje" od 9. marta 2016. godine.

III. Prijavljeni kandidati, utvrđivanje ispravnosti dostavljene dokumentacije, provjere kandidata u skladu sa Zakonom i intervju

Na Javni konkurs pristigle su ukupno 24 prijave. Komisija je na 8. sjednici, održanoj 6. aprila 2016. godine, konstatirala da su sve prijave koje su dostavljene na ovaj javni konkurs pristigle blagovremeno. Tom prilikom Komisija je konstatirala da se šest kandidata prijavilo za poziciju direktora Agencije, šest za poziciju zamjenika direktora, dok je 12 kandidata podnijelo prijavu na obje pozicije raspisane Javnim konkursom. Ostvarujući uvid u dostavljenu dokumentaciju, Komisija je konstatirala da su 23 kandidata, dostavljajući potpune i uredne prijave, ispunila uslove predviđene Javnim konkursom, dok jedna kandidatkinja nije dostavila urednu prijavu u skladu sa uslovima utvrđenim Javnim konkursom, s obzirom na to da uz prijavu kandidatkinje nije dostavljen dokaz o traženom radnom iskustvu na rukovodećim poslovima u trajanju od pet godina u odgovarajućoj oblasti.

U skladu s članom 23. Poslovnika, Komisija je 13. aprila 2016. svim kandidatima koji su ispunili opće i posebne uslove predviđene Javnim konkursom dostavila izjavu po članu 10d. stav (1) tačka a) Zakona o Vijeću ministara BiH i obrazac po članu 10. stav (1) tačka b) Zakona o Vijeću ministara BiH, sa zahtjevom da uredno ispune, potpišu i u roku od sedam dana dostave Komisiji, kako bi ih ona, u daljnjoj proceduri, prosljedila Državnoj agenciji za istrage i zaštitu (u daljnjem tekstu: SIPA) i Centralnoj izbornoj komisiji (u daljnjem tekstu: CIK). Tom prilikom Komisija je konstatirala da kandidati koji ne popune priloženu izjavu,

odnosno obrazac ili ih pravovremeno ne dostave Komisiji, neće moći proći zakonom propisane provjere i smatrat će se da ne učestvuju u daljnjoj konkursnoj proceduri.

Na 9. sjednici, održanoj 5. maja 2016. godine, Komisija je konstatirala da su 22 kandidata za direktora i zamjenika direktora Agencije za prevenciju korupcije i koordinaciju borbe protiv korupcije, kojima su prethodno dostavljeni izjava i obrazac po članu 10d. stav (1) Zakona o Vijeću ministara BiH, popunili i dostavili ove formulare u skladu sa Zakonom o Agenciji za prevenciju korupcije i koordinaciju borbe protiv korupcije i Poslovnikom Komisije, dok jedan kandidat Komisiji nije dostavio navedene formulare u skladu s njenim zahtjevom.

Komisija je, nadalje, 13. maja 2016. godine dostavljene formulare proslijedila SIPA-i i CIK-u, kako bi po njima uradili neophodne provjere predviđene članom 13. stav (1) Zakona i članom 10a. Zakona o Vijeću ministara BiH.

17. juna 2016. Komisija je uputila pozive za intervju za 22 kandidata koji su prošli sve zakonom predviđene procedure za izbor direktora i dva zamjenika direktora Agencije. O datumu, vremenu i mjestu održavanja intervjua svi kandidati su obaviješteni pismenim putem - preporučenom poštom i telefonom.

Na 10. sjednici, održanoj 23. juna 2016., Komisija je konstatirala da se intervjuu odazvalo 18 kandidata za poziciju direktora i dva zamjenika direktora Agencije, dok se četiri kandidata nisu odazvala pozivu za intervju.

U skladu s članom 26. Poslovnika, Komisija je nakon obavljenog intervjua izvršila bodovanje kandidata za poziciju direktora i dva zamjenika direktora Agencije. Ocjenjivanje kandidata obavljeno je u skladu s tri kriterija utvrđena Poslovnikom, i to: 1. obavljeni intervju (od 0 do 30 bodova); 2. javnog ugleda i visokog moralnog ugleda kandidata (od 0 do 30 bodova) i 3. iskustva u relevantnoj oblasti koja je predmet Zakona (od 0 do 30 bodova). Ukupna ocjena svakog kandidata je zbir bodova koje je dobio od svakog člana Komisije, u skladu s navedenim kriterijima.

IV. Utvrđivanje rang-liste kandidata i dostavljanje Predstavničkom domu i Domu naroda Parlamentarne skupštine Bosne i Hercegovine na daljnji postupak

U skladu sa zakonskim i poslovnim odredbama, na 11. sjednici Komisije, održanoj 13. 7. 2016., utvrđena je rang-lista kandidata za direktora Agencije za prevenciju korupcije i koordinaciju borbe protiv korupcije, kao i rang-lista kandidata za dva zamjenika direktora Agencije za prevenciju korupcije i koordinaciju borbe protiv korupcije, kako slijedi:

**RANG-LISTA KANDIDATA ZA IMENOVANJE DIREKTORA AGENCIJE ZA
PREVENCIJU KORUPCIJE I KOORDINACIJU BORBE PROTIV KORUPCIJE**

R/b	Ime i prezime kandidata	Broj bodova
1.	Hasim Šabotić	712
2.	Dragan Slipac	708
3.	Sead Lisak	655
4.	Aleksandar Faladžić	601
5.	Izet Nizam	583
6.	Miše Ćavar	567
7.	Senad Kajdić	544
8.	Remzija Kadrić	524
9.	Muamer Kalić	519
10.	Sreto Pekić	517
11.	Munib Isaković	514
12.	Jasna Ibrišimović	485
13.	Elvedin Jusufbašić	480
14.	Miroslav Škorić	472

**RANG-LISTA KANDIDATA ZA IMENOVANJE DVA ZAMJENIKA DIREKTORA
AGENCIJE ZA PREVENCIJU KORUPCIJE I KOORDINACIJU BORBE PROTIV
KORUPCIJE**

R/b	Ime i prezime kandidata	Broj bodova
1.	Dragan Slipac	708
2.	Dragan Anđelić	634
3.	Sead Lisak	630
4.	Aleksandar Faladžić	599
5.	Miše Ćavar	567
6.	Sreto Pekić	556
7.	Željka Marković -Sekulić	548
8.	Senad Kajdić	544
9.	Remzija Kadrić	504
10.	Marko Dominković	494
11.	Jasna Ibrišimović	485
12.	Miroslav Škorić	480
13.	Elvedin Jusufbašić	467
14.	Dražen Zupanc	466

Na istoj sjednici Komisija je usvojila i Izvještaj o utvrđivanju rang-liste kandidata za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije, te ga upućuje Predstavničkom domu i Domu naroda Parlamentarne skupštine BiH na daljnji postupak

Za izvjestioce o radu Komisije po Javnom konkursu, kao i o Izvještaju o utvrđivanju rang-liste kandidata za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije u domovima Parlamentarne skupštine BiH Komisija je odredila:

- iz Predstavničkog doma – Mirsada Isakovića,
- iz Doma naroda – Halida Genjca.

PREDSJEDAVAJUĆA KOMISIJE

Aleksandra Pandurević
Aleksandra Pandurević

Dostavljeno:

- naslovu,
- a/a.